

ऽथात्र प्रज्ञाते यथापूर्वं करोति ॥३॥ सोऽग्निमेव प्रथमं यजति । अथ सोममथ  
 सवितारमथ पथ्याऽऽ स्वस्तिमथादिति वाग्वै पथ्या स्वस्तिरियमदितिरस्यामेव तद्दे-  
 वा वाचं प्रत्यष्टापयन्त्सेयं वागस्यां प्रतिष्ठिता वदति ॥४॥ अथ मैत्रावरुणीं व-  
 शामनूबन्ध्यामालभते । स एषोऽन्य एव यज्ञस्तायते पशुबन्ध एव समिष्टयजूंषि  
 ह्येवात्तो यज्ञस्य ॥५॥ तद्यन्मैत्रावरुणी वशा भवति । यद्वाऽईजानस्य स्विष्टं भ-  
 वति मित्रोऽस्य तद्गृह्णाति यदस्य दुरिष्टं भवति वरुणोऽस्य तद्गृह्णाति ॥६॥ त-  
 दाहुः । ईजानोऽभूदिति तद्यदेवास्यात्र मित्रः स्विष्टं गृह्णाति तदेवास्माऽएतया  
 प्रीतः प्रत्यवसृजति यदु चास्य वरुणो दुरिष्टं गृह्णाति तच्चैवास्माऽएतया प्रीतः  
 स्विष्टं करोति तदु चास्मै प्रत्यवसृजति सोऽस्यैष स्व एव यज्ञो भवति स्वऽ सु-  
 कृतम् ॥७॥ तद्यन्मैत्रावरुणी वशा भवति । यत्र वै देवा रेतः सितं प्राजनयं-  
 स्तदाग्निमारुतमित्युक्तं तस्मिंस्तद्याख्यायते यथा तदेवा रेतः प्राजनयंस्ततोऽङ्गा-  
 राः समभवन्ङ्गारेभ्योऽङ्गिरसस्तद्वन्वये पशवः ॥८॥ अथ यदासाः पाऽसुवः पर्य-  
 शिष्यन्त । ततो गर्दभः समभवत्तस्माद्यत्र पाऽसुलं भवति गर्दभस्थानमिव बते-  
 त्याहुर्न यदा न कश्चन रसः पर्यशिष्यत तत एषा मैत्रावरुणी वशा समभवत्त-  
 स्मादिषा न प्रजायते रसाद्धि रेतः सम्भवति रेतसः पशवस्तद्यदन्ततः समभवत्त-  
 स्मादन्तं यज्ञस्यानुवर्तते तस्माद्वाऽएषात्र मैत्रावरुणी वशावक्लृप्ततमा भवति यदि  
 वशां न विन्देदप्युक्तवश एव स्यात् ॥९॥ अथेतरं विश्वे देवा अमरीमृतस्यन्त ।  
 ततो वैश्वदेवी समभवद्य बार्हस्पत्या सोऽन्तोऽन्तो हि बृहस्पतिः ॥१०॥ स यः  
 सहस्रं वा भूयो वा दद्यात् । स एनाः सर्वा आलभेत सर्वं वै तस्याप्तं भवति  
 सर्वं जितं यः सहस्रं वा भूयो वा ददाति सर्वमेता एवमेव यथापूर्वं मैत्रावरु-  
 णीमेवाग्नेऽथ वैश्वदेवीमथ बार्हस्पत्यम् ॥११॥ अथो ये दीर्घसत्त्वमासीरन् । सं-  
 वत्सरं वा भूयो वा तऽएनाः सर्वा आलभेरत्सर्वं वै तेषामाप्तं भवति सर्वं जितं